

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

v.6. & exhilarat eos, pro diebus, quibus eos afflixit, Psal. 90. v.16.

III. Ex Christi honorario. Erant enim ibilapideæ hydriæ sex positæ, secundum purificationem Judæorum, capientes singulæ metretas binas vel ternas, has impleri aqua Jesus jussit, usque ad summum, & procuravit divina sua omnipotentia, ut hæc aqua in viuum nobilissimum transmutatum fuerit. Hoc dono affecit novos nuptios, ut & convivias suos pro dignitate tractare, & sibi potiunculam reservare quoque potuerint.

Hoc præclarum fuit miraculum, ex quo patet, Christum non vacuum apparere, si adnuptias invitetur, sed plus dare, quam concupiscimus: semitæ enim ejus stillant pinguedinem, Psal. 65. vers. 12.

Minus igitur animum abjiciamus si de nobis quoque verum sit: Vinum non habent. Cœlestis Elisæus enim vacua vasæ affatim replere potest, ut oleo & vino redundant, ut exemplum viduæ Prophetæ probat, 2 Reg. 4. v.5. Id anniversariè adhuc facit, dum nonnunquam benedictionem suam effundit, ut flumen, Gen. 49. v. 22. 26. ut & vasæ nonnunquam deficiant, & aliorum quoque indigentia consulere possimus, Eph. 4. v. 28.

Præterea non vilibus & vulgaribus donis nos cibat, sed satiat nos adipe tritici, Ps. 147. v.14. & flore vini, ut facili laudariqueat, lætatur enim ad benefaciendum nobis, Jer. 32. v.41.

Hoc probe notate Dilecti! Habemus omnipotentem Servatorem, qui aquam in vinum commutare novit: Quidni liberave-

rit, si torrentes Belial conturbaverint nos, Psal. 18 v.5. aut abyssus abyssum invocet ad strepitum canalium suorum, Psal. 42. v.8. Verbum ejus penetrantissimum, & manus omnipotens realiter nobis concionatur, quod sit cœlestis Noah, qui adhuc hodie vineas plantat, Gen. 9. v.20. & tenue vitium lignum benedictione afficit, ut succum suavissimum proferat, Psal. 104. v.15. qui lætitia Deum & homines, Jud. 9. v.13. & verus Melchisedec, qui panem & vinum profert, Gen. 14. v.18. & cœlestis Josephus, qui nobis & nostris in annoæ caritate prospicere potest, Gen. 45. usque dum aliquando nuptiæ agni incipient, Apoc. 19. v. 7. ubi non amplius vinum deficiet: sed bibemus cum Christo novum, in Regno Patris, Matth. 26. n.29.

De Tertio.

R Estat Cautela, quam tribus absolvemus Regulis, quarum

I. Christum invita. Id quod Neogami Cananæi probe observarunt, qui Iesum cum discipulis suis vocarunt ad nuptias.

Id adhuc hodie à Neonymphis fieri debet, si in conjugio benedictione & salute frui velint. Christus enim gratissimus est conviva, qui non vacuus accedit, sed affert benedictionem suam, qua se invocantes largissime cumulat, hic temporaliter, & ibi in æternum. Merces ejus cum eo, & opus ejus coram illo, Isa. 62. v.11. Ubi vero Christus, ibi quoque tota S. Trinitas est. Tres enim sunt, qui testimonium perhibent in cœlis, t. Joh. 5. v.7.

Deus Pater ejusmodi pitorum conju-

k gum

gum & corpus & animam largiter curabit,
sicut Protoplastos curavit, iisque univer-
sum orbem cibarium constituit, Gen. I.
vers. 28.

Deus Filius subventurus est illis, si ino-
pia rei familiaris premit, ut idem de ipsis
dicas, quod hic de his nuptiis Evangelista
dicit: Vinum non habent: pecuniam
non habent: sanitatem non habent.
Mutatio enim dexteræ ejus est, Psal. 77.
vers. 11.

Deus Spiritus sanctus corda eorum
in vera dilectione conjugali combinabit,
ut sicut una caro sunt, sic & unum
cor, & una anima sunt, Actor. 4.
vers. 32.

Est enim Spiritus dilectionis, 2. Tim. I.
v. 7. & simul quoque Spiritus veritatis, qui
deducet eos in omnem veritatem, si De-
um precibus sollicitent, Joh. 16. v. 13. ut
etescant in scientia Dei de die in diem, Col.
I. v. 11. & liberis quoque suis præcipiant,
ut custodian viam Domini, & faciant ju-
dicium & iustitiam, ut Abraham fecit,
Gen. 18. vers. 19. quin & instaurabit,
confortabit, roborabit, fundabit eos, 1.
Petr. 5. v. 10. ut militent bonam militiam,
habentes fidem & bonam conscientiam,
1. Tim. I. vers. 18. & aliquando reportent
finem fidei, salutem animarum, 1. Petr.
1. vers. 9.

In Historiis quidem multæ nuptiarum
solemnitates inveniuntur, quæ pompose
admodum celebratae sunt.

Verum nauci æstimandæ veniunt, respe-
ctu nuptiarum, quarum in hoc Evangelio

mentio injicitur. Hic enim Rex Regum &
Dominus Dominantium cum matre beata
& discipulis dilectis appetet, quod in
tota Scriptura nunquam alias factum legi-
mus, ut non abs re in hæc verba erumpas:
Quis sicut Dominus Deus noster,
qui in altis habitat, & humilia re-
spicit in cœlo & in terra, Psal. 113.
vers. 5.

Quodsi igitur vultis, ut Christus in
nuptiis vestris appareat Dilecti! piis
precibus ipsum invitare, date simul o-
peram humilitati & modestiæ, ne effe-
ramini ratione donorum, quæ accepi-
stis à DEO. Libentissime enim habitat
cum contrito & humili spiritu, Esa. 57.
vers. 15.

II. Horam expecta. Christus hic
Matri duriuscule respondet: Mulier, in-
quit, quid mihi tecum, hora mea non-
dum venit: interim non animum abji-
cit, sed firmiter credit, quod in tempore
vini deficientiæ consulturus sit, modo ho-
ra advenerit, quam divina ejus providentia
constituerit.

O dilecti! læpe fit, ut nobis Chri-
stus in ærumnis constitutis austera faci-
am ostendat, simulans devotas nostras
preces surda aure se præterire. Verum id
non reprimat nos, sed potius horam de-
finitam expectemus. Etiam si moram
fecerit Dominus, expecta eum, veniens ve-
niet, & non tardabit, Habac. 2. vers. 3.
Speciosa misericordia DEI in tempore
tribulationis, quasi nubes pluviae in
tempore siccitatis, ait Siracides, cap.
35. vers. 26. Tandem post nubila Phœ-
bus.

bus. Ipse faciet. Mutatio dexteræ Excelsi,
Psal. 77. v. 11

3. *Obsequium presta.* Maria Ministris dicit, quodcunque vobis dixerit, facite. Hanc instructionem nobis quoque reliquit. In fidei enim rebus non faciendum, quod nobis recte videretur, sed quod Deus præcepit, Deut. 12. v. 8. Ideo ipse Deus cœlitus mandat: *Hic est Filius meus dilectus, in quo mihi complacui, hunc audite,* Matt. 3. vers. 17.

Nos equidem voluntatem DEI in verbo ejus nobis præscriptam habemus, ut non ignoremus, quid à nobis fieri & omitti velit: sed non sufficit hoc. Non strumentum, vitam nostram pro virili ad eandem componere. Si hæc scitis, beati eritis si feceritis ea, ait ipse Servator, Joh. 13. vers. 17.

Hoc nisi factum fuerit, damnatio nostra è major erit in die novissimo. Servus enim, qui cognovit voluntatem Domini sui, & non se præparavit, & non fecit secundum voluntatem ejus, vapulabit multis, Luc. 12. v. 47.

Imprimis vero nostrum erit, in mystériis divinis, in captivitatem redigere omnem intellectum, in obsequium Christi, 2. Cor. 10. v. 5. nec multum disputare de modo, sed faciamus quæ Dominus jussit: cetera sapientia, veritati & omnipotentia ejus commendemus, cum Ezechiele dicentes: Tu nosti modum Domine, Ezech. 37. v. 3.

Sane ex hac ipsa ratione illa sunt mysteria, ut ratione ea comprehendere non possumus, quod si vero viderentur, non opus esset, ut crederentur, Augustino scire dicente. Beati, qui credunt & non vident, Job. 20. v. 29.

Non parum igitur peccant illi, qui quando quicquam in divinis ratione asseri non possunt, à fide continuo resiliunt, & ad rationis trutinam appendunt. Sicut & illi, qui sibi ipsis cultum effingunt juxta quem Deo servite velint.

Sumus quidem omnes Dei servi & ministri, creati in Christo Jesu ad bona opera, ut in iis ambulemus, Eph. 2. v. 10. Habeamus autem instructionem nostram, quid bona opera sunt, & quomodo ea fieri debant, Indicabo tibi ô homo, quid sit bonum, & quid Dominus requirat à te: Utique facere judicium, & diligere misericordiam, & humiliter ambulare cum Deo tuo, Mich. 6. v. 8. Huic Regulæ inhæreamus non declinantes, neque ad dexteram, neque ad sinistram, Isa. 30. v. 21. In Ecclesia non valet, hoc ego dico, hoc tu dicis, hoc ille dicit, sed hoc dicit Dominus, ait Hieronymus. Ita verbis ejus innixi, non concedamus speciosa aliqua glossa ab iis nos abstrahi, sic & ille promissionem suam in nobis implebit, nobisque oviculis suis, qui vocem ejus audierimus, dabit vitam æternam, Joh. 10. v. 27.

Sit ipsi cum Patre & Spiritu sancto gloria nunc, & in æternum, Amen.